

განათლების, მეცნიერების, კულტურისა და სპორტის საკითხთა კომიტეტი



კომიტეტის მიერ 2023 წლის საგაზაფხულო სესიიდან 2024 წლის
საგაზაფხულო სესიამდე გაწეული საქმიანობის ანგარიში

2024 წელი

საქმიანობის ზოგადი მიმოხილვა

საანგარიშო პერიოდში კომიტეტი ახორციელებდა საქართველოს კონსტიტუციით გათვალისწინებულ საქმიანობას: უზრუნველყოფდა საკანონმდებლო საკითხების მომზადების ხელშეწყობას, კონტროლს უწევდა უმაღლესი საბჭოს წინაშე ანგარიშვალდებული ორგანოების საქმიანობას, შეიმუშავებდა სავალდებულო დასკვნებს კანონპროექტებსა და უმაღლესი საბჭოს რეგლამენტით განსაზღვრულ საკითხებზე.

კომიტეტი იხილავდა საქართველოს პარლამენტიდან გამოგზავნილ განათლების, მეცნიერებისა და კულტურის სფეროსთან დაკავშირებულ კანონპროექტებს.

კომიტეტი, უფლებამოსილების ფარგლებში, უმაღლესი საბჭოს რეგლამენტისა და სახელმწიფო პრიორიტეტებიდან გამომდინარე უზრუნველყოფდა:

- საზედამხედველო საქმიანობის განხორციელებას;
- აღმასრულებელი ხელისუფლების შესაბამის უწყებებზე საკომიტეტო კონტროლს;
- კომიტეტის საქმიანობის გამჭვირვალობასა და მასში საზოგადოების ჩართულობას.

საკანონმდებლო საქმიანობა

საანგარიშო პერიოდში:

- ჩატარდა კომიტეტის 12 სხდომა და განხილული იქნა 17 საკითხი;
- კომიტეტმა შეიმუშავა და წარადგინა 9 სავალდებულო დასკვნა.

საზედამხედველო საქმიანობა

10 აპრილი - კომიტეტმა სხდომაზე მოისმინა აჭარის განათლების, კულტურისა და სპორტის სამინისტროს მიერ კულტურის მიმართულებით გაწეული საქმიანობის ანგარიში.

ანგარიში მინისტრის მოადგილემ - აკაკი ძნელაძემ და კულტურის დეპარტამენტის ხელმძღვანელმა თამარ გუდავამ წარმოადგინეს. მათი განცხადებით, პანდემიის შემდგომი ორი წელი რეგიონში კულტურული აღმავლობით გამოირჩევა, რასაც საგრძნობლად გაზრდილმა ბიუჯეტმა შეუწყო ხელი. მომხსენებლებმა ყურადღება გაამახვილეს კულტურის სფეროს ისეთ მიმართულებებზე, როგორებიცაა - ფოლკლორი, თანამედროვე, საერთაშორისო მიმართულებები, ასევე კონკურსები, ინოვაციური პროექტები და სხვა ღონისძიებები, რომლებიც უწყების მიზნობრივი პროგრამების ფარგლებში ხორციელდება.

25 აპრილი - კომიტეტის სხდომაზე, ა(ა)იპ აჭარის განათლების ფონდის ხელმძღვანელის - სულიკო თებიძის ინფორმაცია მოისმინეს გაწეული საქმიანობის შესახებ.

როგორც მომხსენებელმა აღნიშნა, ფონდის უმთავრესი მიზანი სოციალურ-საგანმანათლებლო საქმიანობის ხელშეწყობაა, რაც საქართველოს სახელმწიფო, უცხო ენების, კომპიუტერული სწავლებისა და მასწავლებელთა პროფესიული განვითარების მიმართულებებს მოიცავს და შესაბამისი პროგრამებით ასეულობით ადამიანმა ისარგებლა.

30 მაისი - კომიტეტის სხდომაზე სს(ი)პ „აჭარის მუზეუმის“ დირექტორს მოუსმინეს. თეონა ზოიძე წლის განმავლობაში გაწეული საქმიანობისა და სამუზეუმო საქმიანობის გაუმჯობესების მიზნით გაწეული ღონისძიებების შესახებ ინფორმაციით წარსდგა.

მისი განცხადებით, 2022 წელს რეგიონის მუზეუმებმა 68 ათასზე მეტ დამთვალიერებელს უმასპინძლეს, მათგან 40 ათასამდე უცხოელი იყო.

მომხსენებელმა ისაუბრა სამუზეუმო ინფრასტრუქტურის რეაბილიტაცია-გაუმჯობესების, საგანმანათლებლო ფუნქციების განვითარების, ინვენტარიზაციის, საერთაშორისო სამეცნიერო ღონისძიებებსა და გამოფენებში ჩართულობის და სხვა მნიშვნელოვან საკითხებზე.

13 სექტემბერი - კომიტეტმა სსიპ აჭარის კულტურული მემკვიდრეობის დაცვის სააგენტოს მიერ 2022 -2023 წლებში გაწეული საქმიანობის შესახებ ინფორმაცია მოისმინა. მოხსენებით აჭარის განათლების, კულტურისა და სპორტის მინისტრის მოადგილე - ზაურ ახვლედიანი წარსდგა. მისი განცხადებით, სააგენტოს შარშანდელი ბიუჯეტი 4 მილიონ ლარს აჭარბებდა და პროგრამულ სამუშაოებს, ძეგლების რეაბილიტაციას, პოპულარიზაციას, მარკეტინგულ მხარდაჭერასა და არქეოლოგიურ კვლევა-ძიებას ითვალისწინებდა. ზაურ ახვლედიანმა, ასევე ისაუბრა არსებულ გამოწვევებსა და სიახლეებზე .

საანგარიშო პერიოდში კომიტეტმა ჩაატარა თემატური მოკვლევა თემაზე - აჭარის ავტონომიური რესპუბლიკის ზოგადსაგანმანათლებლო საჯარო სკოლების მოსწავლეთა მასობრივ სპორტში ჩართულობის შესახებ მუნიციპალიტეტებში არსებული მდგომარეობა“.

მოკვლევის ფარგლებში:

- კომიტეტში დამუშავდა 199 სუბიექტისაგან მიღებული ინფორმაცია;
- ჩატარდა 2 გასვლითი სხდომა;

სკოლებში არსებული მდგომარეობის ანალიზის საფუძველზე შემუშავდა რეკომენდაციები.

სახელმწიფო ბიუჯეტის შესრულების ანგარიში

1. 2023 წლის 17 მაისის კომიტეტის სხდომაზე განხილული იქნა აჭარის ავტონომიური რესპუბლიკის 2022 წლის რესპუბლიკური ბიუჯეტის შესრულების წლიური და აჭარის ავტონომიური რესპუბლიკის 2023 წლის რესპუბლიკური ბიუჯეტის პირველი კვარტლის შესრულების ანგარიშები, რომელიც აჭარის ავტონომიური რესპუბლიკის ფინანსთა და ეკონომიკის მინისტრმა ჯაბა ფუტყარაძემ წარმოადგინა;


2. 2023 წლის 8 სექტემბრის სხდომაზე განხილული იქნა აჭარის ავტონომიური რესპუბლიკის 2022 წლის რესპუბლიკური ბიუჯეტის ორი კვარტლის შესრულების ანგარიში, რომელიც აჭარის ავტონომიური რესპუბლიკის ფინანსთა და ეკონომიკის მინისტრმა ჯაბა ფუტყარაძემ წარმოადგინა;

3. 2023 წლის 10 ნოემბრის სხდომაზე განხილული იქნა აჭარის ავტონომიური რესპუბლიკის 2023 წლის რესპუბლიკური ბიუჯეტის სამი კვარტლის შესრულების ანგარიში, აჭარის ავტონომიური რესპუბლიკის 2024 წლის რესპუბლიკური ბიუჯეტის შესახებ“ აჭარის ავტონომიური რესპუბლიკის კანონის პროექტი და ბიუჯეტის შესაბამისი ავტონომიური

რესპუბლიკის (2024-2027 წლების) პრიორიტეტების დოკუმენტი, რომელიც აჭარის ავტონომიური რესპუბლიკის ფინანსთა და ეკონომიკის მინისტრმა ჯაბა ფუტყარაძემ წარმოადგინა.

მოქალაქეთა წერილები, მომართვები და მასზე გაცემული პასუხების რაოდენობა

საანგარიშო პერიოდში:



კომიტეტის თავმჯდომარე და წევრები სისტემატიურად მართავენ შეხვედრებს საზოგადოებასთან, უცხოელ სტუმრებთან, არასამთავრობო ორგანიზაციებთან.

კომიტეტის თავმჯდომარე:

24 მარტი

კომიტეტის თავმჯდომარე - წიგნისა და უმაღლესი განათლების პირველ საერთაშორისო გამოფენის გახსნას დაესწრო.

12 აპრილი

კომიტეტმა საქართველოს პარლამენტის კულტურის კომიტეტის თავმჯდომარეს, ელისო ბოლქვაძეს უმასპინძლა, რომელიც სამუშაო ვიზიტით აჭარაში იმყოფებოდა.

სამუშაო შეხვედრის თემა სახელოვნებო განათლების რეფორმის მიმდინარეობა, რეგიონში ამ მხრივ არსებული ვითარება და სახელოვნებო განათლების რეფორმის მეორე ეტაპი იყო.

შეხვედრაზე იმსჯელეს შშმ პირთათვის ინკლუზიური პროგრამების მიმდინარეობაზე, სკოლის გარეთ და ზოგადსაგანმანათლებლო დაწესებულებებში სახელოვნებო განათლების მდგომარეობის მონიტორინგზე.

18 აპრილი

დავით ბაციკაძე დაესწრო ძეგლებისა და ისტორიული ადგილების საერთაშორისო დღესთან დაკავშირებით გამართულ სემინარს.

სემინარი თემაზე - „შავიზღვისპირეთის კულტურული მემკვიდრეობის ძეგლები-პრობლემები და პერსპექტივები“ უკვე მეოთხედ ჩატარდა; მასში მონაწილეობას ღებულობენ ქართველი და უცხოელი სპეციალისტები.

19 მაისი

გამართა სამუშაო შეხვედრა ახალგაზრდობის რეგიონულ ცენტრში.

შეხვედრაზე ახალგაზრდობის რეგიონული ცენტრის ხელმძღვანელმა თამარ გაბაიძემ და გუნდის წევრებმა ისაუბრეს 2023 წლის მიმდინარე და დაგეგმილ პროექტებზე, სამომავლო პერსპექტივებსა და ხედვებზე.

3 ივნისი

კომიტეტის თავმჯდომარე - დავით ბაციკაძე რეგიონში მოქმედი სიმღერისა და ცეკვის ბავშვთა ფოლკლორული ანსამბლების რეგიონული ოლიმპიადის გამარჯვებულთა დაჯილდოების ცერემონიაში მონაწილეობდა.

8 ივნისი

კომიტეტის თავმჯდომარე დაესწრო, ბათუმის შოთა რუსთაველის სახელმწიფო უნივერსიტეტში გამართულ საერთაშორისო სამეცნიერო ღონისძიებას - „მეორე საერთაშორისო კონფერენცია: ადრეული განათლება და ზრუნვა“.

კონფერენცია ჩატარდა საქართველოს განათლების, მეცნიერებისა და ახალგაზრდულ საქმეთა სამინისტროს, აჭარის ავტონომიური რესპუბლიკის განათლების, კულტურისა და სპორტის სამინისტროს, გაეროს ბავშვთა ფონდის საქართველოში (UNICEF Georgia), იაპონიის საერთაშორისო თანამშრომლობის სააგენტოსა (JICA) და სსიპ ბათუმის შოთა რუსთაველის სახელმწიფო უნივერსიტეტის პარტნიორობით.

30 ივნისი

კომიტეტის თავმჯდომარე - როგორც ევროპის რეგიონთა ასამბლეის (AER, ერა) ვიცე-პრეზიდენტი ევროპის რეგიონთა ასამბლეის სიმპოზიუმსა და ბიუროს სხდომას დაესწრო.

5 ივლისი

კომიტეტის თავმჯდომარემ - აჭარის უმაღლესი საბჭოს თავმჯდომარის მოადგილე - ტიტე აროშიძესთან ერთად ისრაელის დელეგაციას უმასპინძლა, რომელიც კულტურისა და სპორტის მინისტრის - მახლუფ მიკი ზოჰარის ხელმძღვანელობით იყო წარმოდგენილი.

გაცნობითი ხასიათის შეხვედრას ისრაელის სრულუფლებიანი და საგანგებო ელჩი - ჰადას მეიცადი ესწრებოდა.

მხარეებმა საქართველო-ისრაელს შორის არსებულ ისტორიულ კავშირსა და ორმხრივ ურთიერთობებზე ისაუბრეს. ყურადღება გამახვილდა კულტურისა და ტურიზმის მიმართულებით მჭიდრო თანამშრომლობის საკითხებსა და ერთობლივი პროექტების განხორციელების მნიშვნელობაზე.

10 სექტემბერი

კომიტეტის თავმჯდომარე დაესწრო ბათუმში გამართულ ახალგაზრდულ კონგრესს, სადაც, შეკრებილ საზოგადოებას, ახალგაზრდული პოლიტიკის მნიშვნელობის შესახებ ესაუბრა.

4 ნოემბერი

კომიტეტის თავმჯდომარე - დავით ბაციკაძემ მონაწილეობა მიიღო უცხოეთში სტაჟირების პროგრამის მონაწილე ბელგიელ სტაჟორებთან შეხვედრაში.

დავით ბაციკაძემ პროგრამის მნიშვნელობასა და მისი გაფართოების საჭიროებაზე ისაუბრა.

9 ნოემბერი

კომიტეტის თავმჯდომარე, როგორც ევროპის რეგიონული ასამბლეის (AER) ვიცე-პრეზიდენტი პორტუგალიაში გამართულ ევროოდისეის ფორუმში მონაწილეობდა.

მან მისასაღმებელ სიტყვაში ისაუბრა აჭარის ავტონომიური რესპუბლიკის როლზე AER-ისა და ევროოდისეის მუშაობაში, საერთაშორისო გამოცდილების გაზიარებით და ღია მმართველობის ევროპული სტანდარტების დამკვიდრებით მიღებულ დადებით შედეგებზე, აჭარისა და აზორის ავტონომიური რესპუბლიკების თანამშრომლობის მნიშვნელობაზე. ყურადღება გაამახვილა, მომავალ წელს, ბათუმში დაგეგმილი შავი ზღვის ფორუმისა და გენერალური ასამბლეის ფარგლებში განსახილველ საკითხებზე.

22 ნოემბერი

კომიტეტის თავმჯდომარე - დავით ბაციკაძე დაესწრო ბათუმის შოთა რუსთაველის სახელმწიფო უნივერსიტეტში გაიმართულ საერთაშორისო ახალგაზრდული ფორუმის - „დიალოგი 2023“-ის ფარგლებში გამართულ პანელურ შეხვედრას.

21 ნოემბერი

კომიტეტის თავმჯდომარემ - მონაწილეობა მიიღო აჭარის ხელოვნების მუზეუმში გამართულ შეხვედრაში.

შეხვედრა, სტუდენტთა დახმარების პროგრამის ფარგლებში დაფინანსებული იმ 76 სტუდენტის დაჯილდოების მიზნით გაიმართა, რომლებმაც 2022-2023 სასწავლო წლის გაზაფხულის სემესტრი განსაკუთრებული წარჩინებით - 91 და მეტი ქულით დაასრულეს.

12 დეკემბერი

კომიტეტმა თემატური მოკვლევის ფარგლებში გამართა შეხვედრა ხელვაჩაურის მუნიციპალიტეტში, რომელშიც გამგეობისა და რესურსცენტრის წარმომადგენლებთან ერთად, მუნიციპალიტეტის საჯარო სკოლების ფიზიკური აღზრდის პედაგოგები და სასპორტო სკოლის მწვრთნელ-მასწავლებლები მონაწილეობდნენ.

25 იანვარი

კომიტეტის თავმჯდომარე მონაწილეობდა - „პროექტი ჩემს გაკვეთილზე“ კონკურსის მონაწილე მასწავლებლებთან გამართულ შეხვედრაში.

27 თებერვალი

კომიტეტის თავმჯდომარე - დაესწრო ხელვაჩაურის მუნიციპალიტეტის მერიის მიერ ორგანიზებულ ფორუმს - „ხელვაჩაურის მუნიციპალიტეტში ინკლუზიური განათლება - მიღწევები და გამოწვევები“.

20 თებერვალი

კომიტეტის წევრები - სამოქალაქო ორგანიზაცია ა(ა)იპ სოლიდარობის თემის თანადამფუძნებლებს შეხვდნენ.

ორგანიზაციის წარმომადგენლებმა კომიტეტის წევრებს ხელოვნებათმცოდნისა და კონსტრუქტორის ჩართულობით ჩავატარებული კვლევის - „ქართული ისლამური არქიტექტურის ნიმუშები აჭარაში“ - შედეგები გააცნეს.

მხარეები, აჭარის კულტურული მემკვიდრეობის დაცვის სააგენტოსთან ერთად, სამომავლო თანამშრომლობაზე შეთანხმდნენ.

კომიტეტის თავმჯდომარე აქტიურად თანამშრომლობს აჭარის ავტონომიური რესპუბლიკის განათლების, კულტურისა და სპორტის სამინისტროსთან. არის სამინისტროში შექმნილი შემდეგი კომისიების წევრი:

- „სტუდენტთა დახმარების“ ფარგლებში ბენეფიციარების გამოვლენის მიზნით შექმნილი კომისიის წევრი;
- პროექტების - „სწავლა საზღვარგარეთ“, „სამეცნიერო ღონისძიებებში მონაწილეობა“, „კონფერენციის ორგანიზება“ ბენეფიციარების გამოვლენის მიზნით შექმნილი კომისიების წევრი;
- „უმაღლესი განათლების ხელშეწყობის“ ქვეპროგრამის ფარგლებში გათვალისწინებული სამეცნიერო ღონისძიებებში მონაწილეობისათვის საპროექტო განაცხადების განხილვის მიზნით შექმნილი კომისიის წევრი;
- უმაღლესი განათლების ხელშეწყობის ქვეპროგრამის „სეზონური სკოლის მოწყობის“ კომპონენტის ფარგლებში წარმოდგენილი განაცხადების შეფასების მიზნით შექმნილი კომისიის წევრი.

დავით ბაციკაძე

განათლების, მეცნიერების, კულტურისა და სპორტის
საკითხთა კომიტეტის თავმჯდომარე